



D. O. M.
POSITIONES ANATOMICÆ
ET
CHIRURGICÆ.



EX ANATOMIA.



XCRESSENTIA carnis speciem referens ;
haud rarè intrâ nasi mæandros gignitur ; nascens
vultû quasi benigno, crescens ancipiti more, ver-
sus summum extensionis gradum progrediens in-
dole malignâ plerumque donatur : ita ut ista pri-
mum tractatû difficilis, dein pervicax, tandem
periculum minitans. Heu ! quæ in naribus Polypi
nomine venit a voce græca Πόλυπτος, quoquo versum infelicitas !

PRO naturâ affectûs, accidentibus, prognosi, curatione aptè
dignoscendis, rem Anatomicam huic morbo pertinentem, respon-

sionibus tamen satis fusè enucleandam, leviter indicandò attin-
gemus.

SITUS, forma, partes Nasi externi satis innotescunt, idcirco
his describendis superledemus, ad Narium internarum-peculiaria
simul & utiliora festinantes.

NASUS dicitur externus & internus; hic Narium nomen inter-
dum recipit: ille cavitatis amplioris tanquam appendix conspicit-
ur: attamen patulæ Nasi expansi aperturæ, intus vibrillis ins-
tructæ, æquivocâ nec non usui accommodâ denominatione Na-
rium insighiuntur. Quod cum strictè non ita sit juxta Chirurgos,
totus externus Nasi apparatus is considerandus, quem ad organū
Πρόσρρησεν cavitatem internam & præcipuam malî latentis sedem
merito referendum dixeris.

SUE sunt Naso externo speciales partes, quædam verò cum
Naribus internis communes: propriæ, tegumenta, musculi dicun-
tur; communes, membranæ, vasa, nervi, ossa, Cartilagine.

QUO ad Nares attentius in trospiciendas, plurima Chirurgo
rimabundo consideranda veniunt. Primum cavitas multiformis intus
amplior quàm foris spectatur interventu septi dispartita; superius
à laminâ cribrosa descendens, inferius à vomere efformati, ante-
rius triangulari cartilagine absoluti.

UTRAQUE cavea interjecta ossi cribroso, cælo palari, ab an-
terioribus Nazi foraminibus transversè retrorsum extensa, termi-
natur ad summas fauces.

LATERALIS superficies narium augetur recessibus spirali-
bus ossium turbinatorum, quorum suprema & media pendent ab osse
cribroso, infima & maxima sunt ab his distincta, quæ tamen in
ætate firmatâ haud raro cum vicinis ossibus coalita reperiuntur.

AMPLIOR sit cavitas Narium sinuum ope, qui satis magni
sunt recessus & quasi illarum additamenta: tres numero, fron-
tales scilicet, maxillares & sphenoidales, qui quidem hiant in am-
pliori binâ capacitate communi nasalis antri.

PRÆTEREA utrinque adsunt non levioris momenti oscula duo-

tuum lacrimonum ponè turbinatum os inferius. Quod attinet ad viam ut definientem, indicante Stenone, ex utraque nare recentis capitis versus palatum, inter anatomicos ambigitur.

TOTA superficies quasi laxata Narium, miris modis cavernosum & compositarum, sicut & sinuum ambitur, tegitur membranâ (quæ vulgò Pituitaria) pulposâ, molli, vasculosâ, porosâ, vasorum & nervorum refertissimâ.

VELUM palati, ejus partes, structuram, & quædam vicinia; de quibus nondum mentionem fecimus, ut totum adimpleatur obiectum, minimè omitti, contrâ verò diligenter expendi judicatu facili.

DE cætero, Nasum internum non ut organum odoratus, nec voci & respirationi inservientem ad summum obiter, sed ob materiam pathologicam molem, tanquam triste Polypi Theatrum nobis investigare liceat.

EX CHIRURGIA.

PRÆMISSA sufficienti explanatione anatomicâ partium morbi quoties Tyrannidem experientium, pro ut illius cognitioni & curationi congruit, necessariò ad Pathologica & Practica deveniendum.

SI Carunculæ in eâ membranâ, quâ internæ nares vestitæ sunt, excrescant, fit Polypus, modò altius circâ os cribrosum, modò demissius circâ alia ossicula; & inde à pedunculo pendulus, sic continuò auget, ut tunc instar sacci exterius ex nare pendeat, vel tunc interius per posticum Nasi aditum, ut in faucibus conspici possit; & tum tristis sequela, jam pridem obfactus sensû hebetè reddito; nec non ingrata loquelæ sono, brevi urgebit timor suffocationis.

VIX utilis apud quosdam Autores distinctio, à primo genitu ægrotudinis, inter sarcoma Nasi & Polypum; est idem per idem, illud tantum ab hoc duritiæ quâdam & amplo fundo seu latissimâ radice tumoris differt. Color & soliditas Polyporum, cum dolore vel absque sensû, variè in variis.

SI Polypus, quod non raro, ortus in interiori sinû maxillari,

(a) & se extendendo quasi è claustris eruperit in nares, tùm illum in iis formam amplissimæ cohærentiæ & carcinomatodes habere falso dijudicabitur. De cætero frequentius ob substantiam ossium emollitam, diductam, destructam, undè molles partes extrà limites producuntur, facies dimidia extuberans deturpatur; quod magis ac magis, quæquæ sint sedes Polyporum radicum, si malum in pejus ruit. Præterea lacrimarum Stillicidium serè semper veluti accidens, deformitati jungitur (b).

Ut plurimum inter initia Polypo non nisi unica radix eaque tenuis est, vel crassior magnisque venis instructa. (c) Ille interdum Hydræ similis, cui plurimæ irrepentes è corpore radices caudarum instar sub sunt; interdum etiam in multiplices ramos veluti renascentia capita prodire nitentia, se dividit.

Numquam Polypus, si solus se offert in utrâque nare nisi propulso cum ruinâ lepto; vel forsân nisi faucibus ob viis replicatâ versus anteriora excrescentiæ quâdam extremitate aliena diverticula elucente.

VITUM procreans malam hanc labem reperies in membranâ pituitariâ obstructâ, conjunctim in ejus glandulis, si adsint, in gurgitatione labefactatis; hæc inde sinim ex humoribus noxiis augetur crassitie, donec tumor conspicuus prodeundi impatiens, efformetur.

Quæris causas quæ Polypum inducere valeant? Innumeræ. Sunt internæ & externæ; abditæ & manifestæ. Ex pravâ Diathesi à sanguine impuro & pituitofo; vel à quibusdam vitiis gravioribus nempe, venereo, strumoso, cancrofo, scorbutico, internæ causæ oriuntur: contusio fractura Narium, hemorrhagiæ, avulsio vibrillarum, catharro & corysa diu perseverante, externas inter causas

(a) Vid. Ruisch. Affert exempla Polyporum in antro Higiori seu Maxillari, delitescientium. Cent. Obs. Anat. 77.

(b) Vidimus multoties sacchum lacrimalem turgidum, & liquorem puncti lacrimalibus exundantem, ob orificium ductus intrâ Nares, depresso, Massâ tumoris, ossè turbinato inferiori: quod ibidem observavit Mag. le Dran. *Observations de Chirurgie..* Tom. 1 Obs. 6.

(c) Sæpè sæpidis magni Polypi latè adhærentes plurimis partibus Narium & vicinis, reperti sunt. Conf. M. de Garangeot. *Opérat. de Chirurgie.* Tom. 3. *Ibid.* M, le Dran, *Observ. de Chirurg.* Tom. 1, Obs. 6 & 7.

3

recensentur. Abditæ & manifestæ internæ ex præcedentibus patent.

POLYPUM à Polypo discriminant essentia, compositio, figura, ætas, tempus, soliditas, ac demùm accidentia: hinc Dædaleum opus, innumeræ profluunt species, quas recensere vix quidem operæ pretium sit. Quinque potissimum liquidò explorandæ observantur, quarum seu Diagnolisis, seu Prognolisis haud difficillè negotio deducenda.

CUIUSCUMQUE modi sint Polypi ipsorum incrementis quàm maxima celeritate occurrendum, quippe qui per vetustatem ingravescentes, seram nimium opem nequicquàm efflagitant.

HAUD dubiè, ab ovo, lenior ad curationem medicamentorum via; tunc in promptu sunt adstringentia & exsiccantia miros fortita effectus. Ubi autem improspere cessura videbuntur, diversam aspicari est medendi normam.

PRO ætate, sitû, volumine, indole Polypi eradicandi variæ methodi admittendæ; Abnuis? Velim ut nequid inconsultò prope-

tes,

SI intrâ recessus opacos labyrinthi Narium intortè adhæreat Polypus majoris massæ, non adeunda unica Encheiresis; pro variis vel una seorsim seligi, vel plures vicissim institui debent: Præeunte levi attractione speculatoriâ, scalpello, si necesse, faciliore reddita ligatura iterùm atque iterùm, & sectiones ibidem faciendæ; forsitan caustica & escharotica (adhibitis cautelis) admovenda, postea repetitæ extractiones, mediante forcipe idoneo, peragendæ. Hæc omnia, pervices, in eadem curatione, ut morbus intricatissimus debelletur, præsentanea se præbent. Quid plurima enumerem?

LIGATURAM Polypi Narium tutiorem curationis viam libentissimè concedimus; sed pace illorum qui hanc ut perpetuam commendant, reponamus: hæc arte non est semper ut curetur ægrotans. Si ad quædam Polyporum species attendatur, in quibus vix sine torturæ angustia admoveretur. Quando admittenda venit ligatura à quâ curatio promptior, eam propter varia media ditissimam pronunciamus. (a)

(a) Consul, variis Scriptores Chirurgici; sed illorum inventiones cum an-

QUANDO celebrandæ ligaturæ major suspicatur difficultas, aut cum diffusa partibus accretio, minoris Polypi, minimè aptam renuit constrictionem, ope caustici ab experientissimis Chiriatriis longior, sed tuta curatio, plaudentibus ægris, suscipitur. Felices qui possunt rerum Chemicarum cognoscere vires! Illud tamen medium, ligaturæ quæ in promptu venerit, non anteponi semper juvat: considerationes Chirurgicæ quæ ab internis Causticorum incommodis oriuntur, nostræ sententiæ favent.

CHIRURGUS multiscius ex auxiliis antea felicissimè adhibitis postea tanquam omnino despectis, nulla providè à se aliena putat. Semper quidam casus avulsionem, juvantibus velleis, opportunè expostulabunt.

SI cum perspicacitate anatomicâ Polypi extractio prudenter teneatur, profluvium sanguinis, aliter pertimescendum, non superveniet: contra, si eventû liquor vitalis manat, facilis fluxus breviter compescetur. *

LAUDANDA sanè veterum Chirurgicis in rebus solertia: ab sit tamen ut iis assentiamur tumorem candenti ferro per fistulam Naribus inserto, inurendum suadentibus. Crudelem aded. methodum cum Neotericis non improbamus tantùm, sed & noxiam quoque judicamus.

NIHILO MINUS in casû difficiliori, extracto ferè in totum Polypo, si ossa carie, spinâ ventosâ defœdata, saltem ut non amplius serpat malum, aut ut radicitus extirpetur, aliàs recrudescens, reliquæ crudelis contaminationis inuri debent ferro ignito convenienter immisso.

SUA non est omnibus Polypis certa curatio. Carcinomatosi si exquisiti fuerint atque confirmati, meritò immedicabiles ha-

notationibus reperies in Opere mox infrà citato. Juxtà plausum, ligaturam non minimi pretii à Mag. Levret inventam seligi censemus. Vid. Autoris eximium Opus. *Observations sur la Cure radicale de plusieurs Polypes de la Matrice, de la Gorge & du Nez.*

* Mag. Bellocq, ad Sataceum versus fauces, seu ad sistendam Hemorrhagiam, seu ad Nares post Polypi extractionem detergendas, injiciendum instrumentum acu formè elasticum funiculo armatum feliciter excogitavit, ut frequentî experientiâ comprobatur. Istud inventum non adhuc evulgavit Reg. Chir. Academi. Conf. le Dran, Obs. 7.

bentur, quod ingenuè confitemur: non tamen promptè infortunio relinquendus est æger, ad ejus minimam desperationem difficillima tentenda ferè semper veniunt. Tandem, si nulla opere peragendo superfit spes, palliativa duntaxat medela congruit: in eo versatur, ut à Chirurgo debita jungatur victûs ratio, idoneaque exhibeantur remedia, dolores, sin minùs sublatúra, ac certè verò sedatura.

OPERATIONI cuilibet debent ceu antecedere, ceu succedere tenuis diæta, venarum sectiones ac medicamenta morbo competentia.

Has positiones, DEO JUVANTE, & præside M. PETRO BASSUEL, Liberalium Artium & Chirurgiæ Magistro, Regiæ Chirurgorum Academiæ Consiliario & Commerciî extranei Secretario, Therapeutices Chirurgiæ Demonstratore Regio, tueri conabitur CLAUDIUS-ANTONIUS CADET, Parisinus, in alimâ Parisiensî Artium Facultate Magister.

P A R I S I I S,

IN REGIIS CHIRURGORUM SCHOLIS.

Die 18^a. Augusti, anno Salutis 1752. à sesqui-secundâ post meridiem ad septimam.

PRO ACTU PUBLICO

ET SOLEMNI COOPTATIONE.

Typis FR. DELAGUETTE Chir. Collegii Typographi.